



مذاهب نظارتك، (اخوت) ك یدی نومرولی
نسخه سنده منتشر، سوالری وسیله سیله

— ۱ —

هر بر حکومتده مذاهب نظارتك باشلیجه وظیفه سی - فکرجه -
جماعات مذهبيه ایله حکومت آره سنده کی مناسبات و معاملاتده منافع و نقاط
نظر طرفینك تأمین تالیف و ادامه موالاتدر اسلام، قاتولیک و اورتودوکس
مذهبرینی عینی درجه و قوتده حمایه و دیگر ادیانك سربستینی تکفل ایدن،
صرب، خروات، سلوون حکومت قرالیه مزده، مذاهب نظارتك بر دیگر
مهم وظیفه سی ده بو قرالغك احاطه ایتدیکی ممالك متفرق و متعدد مراکز
اداریه و سیاسیه مالک و مربوط بولنش اولدقنندن، جماعات مذهبيه تشکیلاتی ده
متنوع و باخصوص باشقه باشقه مراکز منسوبیتلری حسیله عینی مذهب
تشکیلاتلرینك توحید و یونك ایجابات منافع دولت و ملتله تالیفته تقیددر.

اورتودوکس، قاتولیک، اسلام قلم و دائرة مخصوصه لری اولان مذاهب
نظارتك، باخصوص بو اوج مذهب و منتسبینك یکدیگریله، جمله مذاهب
حکومتله حسن مناسبات اسبابی ادامه و احضار ایچون اختیار ایدیله سی
ایجاب ایده جك اولان حرکاتك وظیفه تقدیر و مراقبه سی مجلس مبعوثانك
اولوب، مجلس مذکورك بو وظیفه سی موافق نفس الامر اجرا ایده بیلمه سی
امکانی ده موجوددر. خصوصات مذکورده مذاهب نظارتی مجلس مبعوثانك

تحت نفوذ تشریعی سنده در. عینی مذهب تشکیلات و تنسیقاتك ترتیب
و توحیدی خصوصاتی ایسه، برنجی درجه ده مذهب منتسبینك و ارکان مامورینك
حق و وظیفه لری اولغله، مذاهب نظارتك بو خصوصده بورجی، مذهب
منتسبینله و مامورینك مبادله افکار و اتخاذ قرار ایله بیلمه لری ایچون ایجاب
ایدن وسائط و تشبثاته مشوق و حامی اولق، و قرارلرینك حکومتك نقاط
نظر نجه استکمالی تالیف و تأویلنه و بمقرراتك شکل قطعی قانونیه اخذینه
سی و توسط ایتك، مقرراتك نظارتک تخصیص ایده جکی امور و مسائله،
ارائه ایده جکی حدود و خطوط دائره سنده، حرکت ایتکدر. یعنی نظارت،
عینی مذهبك اسباب و طرز تنسیق، توحید و اداره سی خصوصده، مذهب
منتسبینی منتخبلری مجلسك تحت نفوذ تشریعی و مراقبه سنده در.

بناء علیه، مشروطیتله اداره ایدیلان بر حکومتده، بر هیئت اجتماعیه
حقننده اتخاذ اولونه جق مقررات، طرز تقریرینك بر صورت منطقی و مشروطی به
ربطی حکومتك جمله وظائفنددر.

بو مقدمه دن مقصده، مذاهب نظارتك وظیفه و صلاحیت درجه سی
- تلقی ایتدیکم صورتده - ایضاح او وظیفه و صلاحیتی درجه سی پیش تأمله
بولوندر مقله نظارتك « اهالی » اسلامیه نك تشکیلات دینه لرنده مشاهده ایدیلان
تذبذب و قاریشقلغك ازاله سی ایچون ایکی آیدنبرو تعین و توضیحنده اوغراشیلان
اصول و ترتیلرک بر شکل مشروطی به نه صورتله ربطلری منصور اولدیقی
استیضاح ایتکدر.

— ۲ —

عالم اسلام، ادیان سائر و بالخاصه غرب عالمندن یالکز مابینت مذهب
و اعتقاد ایله دکل حرثلری خصوصیتی ایله ده بر شخصیتی خاژدر. جهان
اسلام راه تکمال رنورده ترقی ایتدکجه مضر و مرض اولان بر حقوق حالاتدن
تیری ایده جکی کبی خصوصیت شخصیه سی خطوطی ده ازیاده تبارر ایده جکدر.
بوهم طبیعی، هم سالم طرز انکشافدر.